



## НИЙСЛЭЛИЙН ОНЦГОЙ БАЙДЛЫН ГАЗРЫН ДАРГЫН ТУШААЛ

2022 оны 02 сарын 09 өдөр

Дугаар 1/2

Улаанбаатар хот

### «Ажлын хэсэг томилж, тусlamж үзүүлэх тухай»

Гамшгаас хамгаалах тухай хуулийн 30 дугаар зүйлийн 30.1.16, 30.2, 30.3, Төсвийн тухай хуулийн 16 дугаар зүйлийн 16.5.5, Нийгмийн даатгалын үндэсний зөвлөлийн 2016 оны 16 дугаар тогтоол, Нийслэлийн Онцгой байдлын газрын 2021 оны А/12 дугаар тушаалаар батлагдсан Хөдөлмөрийн дотоод журмын 7 дугаар зүйлийн 7.6.1-д заасныг тус тус үндэслэн ТУШААХ нь:

1. Тус газрын Хан-Уул дүүргийн Онцгой байдлын хэлтсийн Гал түймэр унтраах, аврах 14 дүгээр ангийн гол сөнөөгч, дэд ахлагч Сарантуяагийн Отгонбаяр нь нас барсан тул ар гэрт нь холбогдох тогтоол, журмын дагуу тусlamж үзүүлж, талийгаачийн оршуулгын үйл ажиллагааг зохион байгуулах ажлын хэсгийг хавсралтаар баталсугай.

2. Ослын шалтгаан нөхцөлийг тодруулах ажлын хэсгийг нэгдүгээр, удирдамжийг хоёрдугаар, оршуулгын үйл ажиллагааг зохион байгуулах ажлын хэсгийг гуравдугаар, мөнгөн тусlamж олгох тооцооллыг дөрөвдүгээр хавсралтаар тус тус баталсугай.

3. Тусlamжид олгох 2.000.000 (хоёр сая) төгрөгийг зохих зардлаас гаргахыг Санхүү, эдийн засгийн хэлтэс (хурандаа Д.Урантулга)-д зөвшөөрсүгэй.

4. Оршуулгын үйл ажиллагааг удирдлага, зохион байгуулалтаар хангаж ажилласан талаарх илтгэх хуудсыг тухай бүр танилцуулж ажиллахыг ажлын хэсгийн дарга, (хурандаа Б.Баттулга)-д, тушаалын хэрэгжилтэд хяналт тавьж ослын шалтгаан нөхцөлийг тодруулж илтгэх хуудсаар 2022 оны 02 дугаар сарын 11-ний өдөр танилцуулж ажиллахыг ажлын хэсгийн дарга (хурандаа Д.Мөнхсайхан)-д тус тус даалгасугай.

ДАРГА,  
ХУРАНДАА

А.ДАШНЯМ



Нийслэлийн Онцгой байдлын газрын даргын  
2022 оны 02 дугаар сарын 29.-ны өдрийн  
11/2 дугаар тушаалын нэгдүгээр хавсралт

ОСЛЫН АЖЛЫН ХЭСГИЙН БҮРЭЛДЭХҮҮН



Ажлын хэсгийн дарга: Д.Мөнхсайхан

(Тэргүүн дэд дарга, хурандаа)

Гишүүд: Ж.Төмөрмандах

(Дотоод хяналт, шинжилгээ үнэлгээ, эрсдэлийн удирдлагын хэлтсийн дарга,  
дэд хурандаа)

Ж.Алтанхуяг

(Гал түймэртэй тэмцэх хэлтсийн Гал түймэр унтраах асуудал хариуцсан ахлах  
мэргэжилтэн, дэд хурандаа)

Б.Амгаланзаяа

(Гал түймэртэй тэмцэх хэлтсийн Хөдөлмөр хамгаалал, амьсгалын бие даасан  
төхөөрөмж хариуцсан мэргэжилтэн, ахмад)

Э.Мөнхжаргал

(Захиргааны удирдлагын хэлтсийн Хуулийн зөвлөх, өргөдөл гомдол хариуцсан  
ахлах мэргэжилтэн)

Б.Батбаатар

(Гамшгийн шуурхай удирдлагын хэлтсийн Холбоо, зарлан мэдээллийн асуудал  
хариуцсан мэргэжилтэн, дэслэгч)

Нарийн бичиг:Б.Бурмаа

(Дотоод хяналт, шинжилгээ үнэлгээ, эрсдэлийн удирдлагын хэлтсийн Дотоод  
хяналт, шинжилгээ үнэлгээ хариуцсан мэргэжилтэн, дэслэгч)

--оо--

Нийслэлийн Онцгой байдлын газрын даргын  
2022 оны 02 дугаар сарын 09-ны өдрийн  
10 дугаар тушаалын хоёрдугаар хавсралт

ХАН-УУЛ ДҮҮРГИЙН ОНЦГОЙ БАЙДЛЫН ХЭЛТСИЙН  
ГАЛ ТҮЙМЭР УНТРААХ, АВРАХ 14 ДҮГЭЭР АНГИД ГАРСАН  
АВТО ТЭЭВРИЙН ОСЛЫН ШАЛТГААН НӨХЦӨЛИЙГ ТОДРУУЛАХ АЛБАНЫ  
ШАЛГАЛТ ЗОХИОН БАЙГУУЛАХ УДИРДАМЖ

Нэг. Зорилго:

1.1. Гамшигаас хамгаалах тухай хууль болон холбогдох тогтоомж, Нийслэлийн Онцгой байдлын газрын даргын тушаал, шийдвэрийн хэрэгжилтийг хангуулах, Монгол Улсын Шадар сайдын 2018 оны 107 дугаар тушаалаар батлагдсан "Онцгой байдлын ерөнхий газрын харьяа нэгжийн үйл ажиллагаанд дотоод хяналт, шалгалт зохион байгуулах журам", Онцгой байдлын ерөнхий газрын даргын 2020 оны 120 дугаар тушаалаар батлагдсан "Албаны шалгалт зохион байгуулах журам"-ын хүрээнд Хан-Уул дүүргийн Онцгой байдлын хэлтсийн Гал түймэр унтраах, аврах 14 дүгээр ангид гарсан авто тээврийн ослын шалтгаан нөхцөлийг тодруулж, удирдлагыг бодит мэдээллээр хангаж, шаардлагатай арга хэмжээ авах.

1.2. Ослын шалтгаан нөхцөлийг тодруулахдаа хууль, тогтоомжийн хүрээнд хууль дээдлэх, хараат бус, бие даасан, шударга, бодитой, нууц хадгалах зарчимд тулгуурлан явуулна.

Хоёр. Шалтгаан нөхцөлийг тодруулах чиглэл:

2.1. Онцгой байдлын ерөнхий газрын даргын 2020 оны 120 дугаар тушаалаар батлагдсан "Албаны шалгалт зохион байгуулах журам"-ын хүрээнд Хан-Уул дүүргийн Онцгой байдлын хэлтсийн Гал түймэр унтраах, аврах 14 дүгээр ангид үүссэн зөрчилд хяналт явуулах,

2.2. Гал түймэр унтраах, аврах 14 дүгээр ангийн өдөр тутмын үйл ажиллагаа,

2.3. Хөдөлмөрийн аюулгүй байдал, эрүүл ахуйн дүрмийн хэрэгжилт,

2.4. Тээврийн хэрэгслийн бүрэн бүтэн байдал, ашиглалт,

2.5. Бусад

Гурав. Хамрах хүрээ, хугацаа:

3.1. Гал түймэр унтраах, аврах 14 дүгээр ангийн 2022 оны 02 дугаар сарын 08-ны өдөр үүрэг гүйцэтгэсэн ээлжийн бүрэлдэхүүн,

3.2. Гал түймэр унтраах, аврах 14 дүгээр ангийн Ангийн захирагч,

3.3. Хан-Уул дүүргийн Онцгой байдлын хэлтсийн Автын механик, бусад холбогдох албан тушаалтыг хамруулан явуулна.

3.4. Хяналт шалгалтыг 2022 оны 02 дугаар сарын 09, 10, 11-ны өдөр явуулж илтгэх хуудсыг 2022 оны 02 дугаар сарын 11-ны өдөр нийслэлийн Онцгой байдлын газрын даргад танилцуулна.

---оо---

Нийслэлийн Онцгой байдлын газрын даргын  
2022 оны 08 дугаар сарын 29-ны өдрийн  
1/2 дугаар тушаалын гуравдугаар хавсралт

БУЯНЫ АЖИЛД ДЭМЖЛЭГ ҮЗҮҮЛЭХ АЖЛЫГ ЗОХИОН БАЙГУУЛАХ  
АЖЛЫН ХЭСГИЙН БҮРЭЛДЭХҮҮН

Ажлын хэсгийн дарга: Б.Баттулга

(Захиргааны удирдлагын хэлтсийн дарга, хурандаа)

Ажлын хэсгийн гишүүд: Д.Урантулга

(Санхүү эдийн засгийн хэлтсийн дарга, хурандаа)

Д.Бат-Эрдэнэ

(Хан-Уул дүүргийн Онцгой байдлын хэлтсийн дарга, хурандаа)

Ц.Барсхүү

(Хан-Уул дүүргийн Онцгой байдлын хэлтсийн гал түймрийн улсын хяналтын  
ахлах байцаагч, ахмад)

Д.Баярсайхан

(Хан-Уул дүүргийн Онцгой байдлын хэлтсийн ахлах нягтлан бодогч, ахмад)

П.Мөнхбаатар

(Хан-Уул дүүргийн Онцгой байдлын хэлтсийн гал түймэр унтраах, аврах 14  
дүгээр ангийн захирагч, хошууч)

Л.Жаргалдорж

(Хан-Уул дүүргийн Онцгой байдлын хэлтсийн гал түймэр унтраах, аврах 14  
дүгээр ангийн нярав, ахлах ахлагч)

Ч.Алтанцэцэг

(Хан-Уул дүүргийн Онцгой байдлын хэлтсийн бичиг хэрэг, ахлагч)

---оо---